

Магистратураға, оның ішінде университетке мақсатты даярлық бойынша тұлғаларды қабылдау кешенді тестілеу (бұдан әрі – КТ) немесе түсу емтихандарының нәтижелері бойынша конкурстық негізде жүзеге асырылады.

Магистратура мен докторантураға түсушілердің өтініштерін қабылдау жылына 2 рет Ұлттық тестілеу орталығының ақпараттық жүйесі (app.testcenter.kz) арқылы келесі мерзімде жүргізіледі:

**Магистратураға құжаттар қабылдау:**

- 1) күнтізбелік жылдың 1 маусымынан 15 шілдесіне дейін;
- 2) күнтізбелік жылдың 1-15 қарашасы аралығында жүзеге асырылады.

Кешенді тестілеу (КТ) келесі мерзімдерде жүргізіледі:

- 1) күнтізбелік жылдың 20 шілдесінен 10 тамызына дейін;
- 2) күнтізбелік жылдың 18 қарашасынан 11 желтоқсанына дейін.

- 20 шілде мен 10 тамыз аралығында өткізілген КТ сертификаты күнтізбелік жылдың 1 желтоқсанына дейін жарамды.

- 18 қараша мен 11 желтоқсан аралығында өткізілген КТ сертификаты келесі жылдың 1 наурызына дейін жарамды.

**Магистратураға түсушілер үшін шығармашылық емтихан төмендегі мерзімде өткізіледі:**

- 1) күнтізбелік жылдың 16-25 шілдесі аралығында;
- 2) күнтізбелік жылдың 13-15 желтоқсаны аралығында жүзеге асырылады.

**Магистратураға қабылдау төмендегі мерзімдерде жүргізіледі:**

- 1) күнтізбелік жылдың 15 тамызынан 28 тамызына дейін;
- 2) 26 желтоқсаннан келесі жылдың 10 қаңтарына дейін.

Жазғы қабылдау кезеңінде нәтижелері жойылған адамдар күнтізбелік жылдың 18 қарашасынан 11 желтоқсанына дейін өткізілетін КТ-ға жіберілмейді.

Магистратураға түсу үшін білім гранттарын тағайындау конкурсы өткізілетін болады

- 1) күнтізбелік жылдың 28 тамызына дейін;
- 2) күнтізбелік жылдың 25 желтоқсанына дейін.

Мемлекеттік білім беру тапсырысы бойынша және ақылы негізде ғылыми-педагогикалық магистратураға түсу үшін өту балы 75 балды, бейінді магистратураға түсу үшін – 50 балды құрайды

Магистратураға жоғары білімнің білім беру бағдарламаларын игерген тұлғалар қабылданады.

10. Магистратураға түсуші тұлғалар университетке мынадай құжаттарды тапсырады:

- 1) университет басшысының атына өтініш;
- 2) жоғары білімі туралы құжат (Құжат қабылдау комиссиясына тапсырылған кезде түпнұсқасы немесе нотариалды куәландырылған көшірмесі болуы керек);
- 3) жеке басын куәландыратын құжаттың көшірмесі;
- 4) өлшемі 3x4 сантиметр алты фотосурет және JPG электрондық нұсқасымен;
- 5) ҚР ДСМ - №175/2020 бұйрығымен бекітілген электрондық нұсқадағы 075/у нысанындағы медициналық анықтама, флюорография суреті;
- 6) осы Ережелердің 13-тармағында көрсетілген бағдарламалар бойынша тест тапсырғаны туралы сертификаттың көшірмесі (олар болған жағдайда);

Осы тармақта көрсетілген құжаттардың көшірмелерімен бірге салыстырып тексеру үшін олардың түпнұсқалары ұсынылады. Салыстырып тексеру жүргізілгеннен кейін құжаттардың түпнұсқалары қайтарылады.

Осы тармақта көрсетілген құжаттар тізбесі толық ұсынылмаған кезде қабылдау комиссиясы оқуға түсушілерден құжаттарды қабылдамайды.

Шет тілін меңгерудің жалпыеуропалық құзыреттеріне (стандарттарына) сәйкес шет тілін меңгергенін растайтын бір халықаралық сертификаттары бар тұлғалар мынадай тілдер бойынша магистратураға КТ-ның шет тілі бойынша тестінен босатылады:

ағылшын тілі IELTS (АЙЛТС), шекті балл – кемінде 6.0;

(TOEFL IBT (ТОЙФЛ АЙБИТИ), шекті балл – кемінде 60;

TOEFL PBT (Тест ов Инглиш аз а Форин Лангудж пэйпер бэйсед тэстинг) Test of English as a Foreign Language Paper-based testing, шекті балл – кемінде 498;

неміс тілі: Deutsche Sprachprüfung fuer den Hochschulzugang (дойче шпрахпрюфун фюр дейн хохшулцуган) (DSH, NiveauC1/C1 деңгейі), TestDaF-Prüfung (тестдаф-прюфун) (NiveauC1/C1 деңгейі);

француз тілі: Test de Francais International™ -Тест де франсэ Интернациональ (TFI (ТФИ) – оқу және тыңдалым секциялары бойынша B1 деңгейден төмен емес), Diplome d'Etudes en Langue francaise - Диплом дэтюд ан Ланг франсэз (DELF (ДЭЛФ), B2 деңгейі), Diplome Approfondi de Langue francaise – Диплом Аппрофонди де Ланг Франсэз (DALF (ДАЛФ), C1 деңгейі), Test de connaissance du francais - Тест де коннэссанс дю франсэ (TCF (ТСФ) – кемінде 50 балл).

«Педагогикалық ғылымдар», «Жаратылыстану ғылымдары, математика және статистика», сонымен қатар «Гуманитарлық ғылымдар», «Әлеуметтік ғылымдар», «Бизнес және басқару» кадрларын даярлау бағыттары бойынша магистратураға түсуші тұлғалар осы Үлгілік Ережедегі 2-қосымшаға сәйкес балдармен Graduate Record Examinations (грэдуэйт рекорд экзаменейшен) GRE стандартталған тестін тапсыру туралы халықаралық сертификаты бар болған жағдайда оқыту қазақ немес орыс тілінде жүргізілетін магистратураға түсу үшін КТ-дан босатылады.

«Педагогикалық ғылымдар», «Жаратылыстану ғылымдары, математика және статистика», «Ақпараттық-коммуникациялық технологиялар», білім беру салаларының білім беру топтары бағдарламаларына, сонымен қатар «Гуманитарлық ғылымдар», «Әлеуметтік ғылымдар», «Бизнес және басқару» кадрларын даярлау бағыттары бойынша магистратураға түсуші тұлғалар осы Үлгілік Ережедегі 3-қосымшаға сәйкес балдармен Graduate Record Examinations (грэдуэйт рекорд экзаменейшен) GRE стандартталған тестін тапсыру туралы халықаралық сертификаты бар болған жағдайда оқыту ағылшын тілінде жүргізілетін магистратураға түсу үшін КТ-ден босатылады.

«Бизнес және басқару» мамандарын даярлау бағыттарының білім беру бағдарламалары топтары бойынша магистратураға түсуші тұлғалар осы Үлгілік қағидаларға 4-қосымшаға сәйкес балдармен Graduate Management Admission Test (грэдуэйт мэнэджмент адмишентест) GMAT стандартталған тестін тапсыру туралы халықаралық сертификаты бар болған жағдайда оқыту қазақ немес орыс тілінде жүргізілетін магистратураға түсу үшін КТ-дан босатылады.

Ұсынылатын сертификаттардың түпнұсқалығыжәне жарамдылық мерзімі университеттің қабылдау комиссияларымен тексеріледі.

Ғылыми-педагогикалық магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 7-қосымшаға (бұдан әрі – 7-қосымша) сәйкес оқыту қазақ немесе орыс тілінде жүргізілетін магистратураға кешенді тестілеу үшін 150 балдық бағалау жүйесінің шәкіліне сәйкес кемінде 75 балл, бұл ретте шет тілі бойынша кемінде 25 балл, білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл, оқуға дайындығын анықтауға арналған тест бойынша – кемінде 7 балл жинаған жағдайда жүзеге асырылады.

Оқыту қазақ немесе орыс тілінде жүргізілетін бейінді магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 7-1-қосымшаға (бұдан әрі – 7-1-қосымша) сәйкес оқыту қазақ немесе орыс тілінде жүргізілетін бейінді магистратурада білім алу үшін кешенді тестілеу үшін 100 балдық бағалау жүйесінің шәкіліне сәйкес кемінде 50 балл, бұл ретте оқуға дайындығын

анықтауға арналған тест бойынша – кемінде 7 балл, білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл жинаған жағдайда жүзеге асырылады.

Оқыту ағылшын тілінде жүргізілетін бейінді магистратураға тұлғаларды ақылы негізде қабылдау КТ қорытындылары бойынша осы Үлгілік қағидаларға 8-қосымшаға (бұдан әрі – 8-қосымша) сәйкес оқыту ағылшын тілдерінде жүргізілетін бейінді магистратурада білім алу үшін кешенді тестілеу үшін 100 балдық бағалау жүйесінің шәкіліне сәйкес кемінде 50 балл, бұл ретте оқуға дайындығын анықтауға арналған тест бойынша – кемінде 7 балл, білім беру бағдарламалары тобының бейіні бойынша: бір дұрыс жауап таңдау бойынша – кемінде 7 балл, бір немесе бірнеше дұрыс жауап таңдау бойынша – кемінде 7 балл жинаған жағдайда жүзеге асырылады.

Шығармашылық дайындықты талап ететін білім беру бағдарламаларының тобы бойынша магистратураға ақылы негізде қабылдау КТ және білім беру бағдарламалары тобының бейіні бойынша шығармашылық емтихандардың нәтижелері бойынша 7-қосымшаға сәйкес кемінде 75 балл, бұл ретте: шет тілі бойынша – кемінде 25 балл, оқуға дайындығын анықтауға арналған тест бойынша – кемінде 7 балл және әр шығармашылық емтиханнан - кемінде 7 балл жинаған жағдайда жүзеге асырылады.

Әр шығармашылық емтиханнан ең жоғары балл саны 35 балды құрауы тиіс.

Мемлекеттік білім беру тапсырысы бойынша білім алу үшін КТ және (немесе) түсу емтиханының және (немесе) шығармашылық емтихандар бойынша ең жоғары балл жинаған тұлғалар конкурстық негізде қабылданады:

1) Ғылыми-педагогикалық магистратура үшін, оның ішінде шығармашылық дайындықты талап ететін білім беру бағдарламаларының топтары үшін 7-қосымшаға сәйкес – кемінде 75 балл;

2) оқыту қазақ немесе орыс тілінде жүргізілетін бейінді магистратура үшін 7-1-қосымшаға сәйкес – кемінде 50 балл;

3) оқыту ағылшын тілінде жүргізілетін бейінді магистратура үшін 8-қосымшаға сәйкес – кемінде 50 балл;

Мемлекеттік білім беру тапсырысы бойынша докторантурада білім алу үшін түсу емтиханынан кемінде 75 балл жинаған тұлғалар конкурстық негізде қабылданады.

**Қосымша 1**  
**«Абай атындағы Қазақ ұлттық**  
**педагогикалық университетіне» КеАҚ**  
**оқуға қабылдау Ережелері**

**Шығармашылық емтихан өткізілетін білім беру**  
**бағдарламалар топтарының тізбесі**

<b>Білім бағдарламалар тобының коды</b>	<b>Білім бағдарламалар тобы</b>	<b>1-пән</b>	<b>2 - пән</b>
M031	Хореография	Шығармашылық емтихан	Реферат қорғау
M033	Бейнелеу өнері	Шығармашылық емтихан	Реферат қорғау
M035	Сән, дизайн	Шығармашылық емтихан	Реферат қорғау
M036	Баспа ісі	Шығармашылық емтихан	Реферат қорғау

**Қосымша 2**  
**«Абай атындағы Қазақ ұлттық педагогикалық университетіне» КеАҚ**  
**оқуға қабылдау Ережелері**

**GRE стандартталған тесттің халықаралық сертификатының балдарын оқыту қазақ немесе орыс тілінде жүргізілетін магистратурада білім алу үшін КТ балдарына ауыстыру шкаласы**

GRE халықаралық стандартталған тест			Кешенді тестілеу	
Тест секциялары	«Педагогикалық ғылымдар» білім салаларына арналған, «Гуманитарлық ғылымдар», «Әлеуметтік ғылымдар» кадрларды даярлау бағыттарына арналған балдар	«Жаратылыстану ғылымдары, математика және статистика», «Ақпараттық-коммуникативтік технологиялар», «Инженерлік, өңдейтін және құрылыс салалары» білім салаларына арналған, «Бизнес және басқару» кадрларды даярлау бағыттарына арналған балдар	Тестілеу түрлері	Балл
Quantitative Reasoning	кемінде 155 балл	кемінде 160 балл	Оқуға дайындығынанықтауға арналған тест	30
			Білім беру бағдарламалары топтарының бейіні бойынша тест	70
Verbal Reasoning	145 балдан кем емес	кемінде 140 балл	Шет тілі бойынша тест	50
Analytical Writing	3 балдан кем емес	2 балдан кем емес		

**Қосымша 3**  
**«Абай атындағы Қазақ ұлттық**  
**педагогикалық университетіне» КеАҚ**  
**оқуға қабылдау Ережелері**

**GRE стандартталған тесттің халықаралық сертификатының балдарын оқыту**  
**ағылшын тілінде жүргізілетін магистратурада білім алу үшін КТ балдарына**  
**ауыстыру шкаласы**

GRE халықаралық стандартталғантест			Кешенді тестілеу	
Тест секциялары	«Педагогикалық ғылымдар» білім салаларына арналған, «Гуманитарлық ғылымдар», «Әлеуметтік ғылымдар» кадрларды даярлау бағыттарына арналған балдар	«Жаратылыстану ғылымдары, математика және статистика», «Ақпараттық-коммуникативтік технологиялар», «Инженерлік, өңдейтін және құрылыс салалары» білім салаларына арналған, «Бизнес және басқару» кадрларды даярлау бағыттарына арналған балдар	Тестілеу түрлері	Балл
Quantitative Reasoning	кемінде 155 балл	160 балдан кем емес	Оқуғарәдайын дығынанықтау ғаарналғантест	30
			Білім беру бағдарламалары топтарының бейіні бойынша тест	70

**Қосымша 4**  
**«Абай атындағы Қазақ ұлттық**  
**педагогикалық университетіне» КеАҚ**  
**оқуға қабылдау Ережелері**

**GMAT стандартталған тесттің халықаралық сертификатының балдарын**  
**оқыту қазақ немесе орыс тілінде жүргізілетін магистратурада білім алу үшін КТ**  
**балдарына ауыстыру шкаласы**

GMAT халықаралық стандартталған тест		Кешенді тестілеу	
Тест секциялары	«Бизнес және басқару» кадрларды даярлау бағыттарына арналған балдар	Тест түрлері	Балл
Quantitative Reasoning	кемінде 40 балл	Оқуға дайындығын анықтауға арналған тест	30
Integrated Reasoning	кемінде 4 балл	Білім беру бағдарламалары топтарының бейіні бойынша тест	70
Verbal Reasoning	кемінде 20 балл	Шет тілі бойынша тест	50
Analytical Writing	кемінде 3 балл		

**Қосымша 7**  
**«Абай атындағы Қазақ ұлттық педагогикалық университетіне» КеАҚ**  
**оқуға қабылдау Ережелері**

**Магистратураны қазақ немесе орыс тілінде оқытудың КТ үшін**  
**100 балдық бағалау жүйесінің шкаласы**

Тест түрлері	Тапсырманың саны	Тапсыру тілі	Тест саны	Балл
Шет тілі бойынша тест	Тыңдалым Лексико-грамматикалық тест Оқылым	Ағылшын/ Неміс/ Француз	50	50
Оқуға дайындығын анықтауға арналған тест	Бір дұрыс жауапты таңдау	Қазақ/ Орыс	30	30
Білім беру бағдарламалары тобының бейіні бойынша тест *	Бір дұрыс жауапты таңдау	Қазақ/ Орыс	30	30
	Бір немесе бірнеше дұрыс жауапты таңдау	Қазақ/ Орыс	20	40
Барлығы			130	150

\* шығармашылық дайындықты талап ететін білім беру бағдарламаларының тобы бойынша магистратураға түсу үшін шығармашылық емтихандар тапсырылады

**Қосымша 7-1**  
**«Абай атындағы Қазақ ұлттық педагогикалық университетіне» КеАҚ**  
**оқуға қабылдау Ережелері**

**Оқыту қазақ немесе орыс тілінде жүргізілетін бейіндік магистратурада білім алу үшін кешенді тестілеудің 100 балдық бағалау жүйесінің шкаласы**

Тест түрлері	Тапсырма нысаны	Тапсыру тілі	Тест саны	Балл
Оқуға дайындығын анықтауға арналған тест	Бір дұрыс жауапты таңдау	Қазақ/Орыс/	30	30
Білім беру бағдарламалары тобының бейіні бойынша тест	Бір дұрыс жауапты таңдау	Қазақ/Орыс/	30	30
	Бір немесе бірнеше дұрыс жауапты таңдау	Қазақ/Орыс/	20	40
Барлығы			80	100



**Қосымша 8**  
**«Абай атындағы Қазақ ұлттық**  
**педагогикалық университетіне» КеАҚ**  
**оқуға қабылдау Ережелері**

**Оқыту ағылшын тілінде жүргізілетін бейіндік магистратурада білім алу үшін**  
**кешенді тестілеудің 100 балдық бағалау жүйесінің шкаласы**

Тест түрлері	Тапсырма нысаны	Тапсыру тілі	Тест саны	Балл
Оқуға дайындығын анықтауға арналған тест	Бір дұрыс жауапты таңдау	Қазақ/Орыс/ Ағылшын	30	30
Білім беру бағдарламалары тобының бейіні бойынша тест	Бір дұрыс жауапты таңдау	Ағылшын	30	30
	Бір немесе бірнеше дұрыс жауапты таңдау	Ағылшын	20	40
Барлығы			80	100